

摩訶般若波羅蜜經卷第二十四

姚秦三藏法師鳩摩羅什共僧叙譯

道樹品第七十一

須菩提白佛言世尊是般若波羅蜜甚深世尊諸菩
薩摩訶薩不得眾生而為眾生求阿耨多羅三藐三
菩提是為甚難世尊譬如人欲於虛空中種樹是為
甚難世尊菩薩摩訶薩亦如是為眾生故求阿耨多
羅三藐三菩提眾生亦不可得佛告須菩提如是如
是請菩薩摩訶薩所為甚難為眾生故求阿耨多羅
三藐三菩提度著吾我顛倒眾生須菩提譬如人種

樹不識樹根莖枝葉華果而愛護澆灌漸漸長大華
 葉果實成就皆得用之如是須菩提諸菩薩摩訶薩
 為眾生故求阿耨多羅三藐三菩提漸漸行六波羅
 蜜得一切種智成就佛樹以華葉果實益眾生須菩
 提何等為葉益眾生因菩薩摩訶薩得離三惡道是
 為葉益眾生何等為華益眾生因菩薩摩訶薩得生
 刹利大姓婆羅門大姓居士大家四天王天處乃至
 非有想非無想天處是為華益眾生何等為果益眾
 生是菩薩摩訶薩得一切種智令眾生得須陀洹果
 斯陀舍果阿那含果阿羅漢果辟支佛道佛道是眾

生漸漸以三乘法於無餘涅槃而般涅槃是為果益
 眾生是菩薩摩訶薩不得眾生實法而度眾生令離
 我顛倒著作是念一切諸法中無眾生我所為眾生
 求一切種智是眾生實不可得須菩提白佛言世尊
 當知是菩薩為如佛何以故是菩薩因緣故斷一切
 地獄種一切畜生種一切餓鬼種斷一切諸難斷一
 切貧窮下賤道斷一切欲界色界無色界佛言如是
 如是須菩提當知是菩薩摩訶薩如佛須菩提若菩
 薩摩訶薩不發心求阿耨多羅三藐三菩提世間則
 無過去未來現在諸佛世間亦無辟支佛阿羅漢阿

580

那舍斯陀舍須陀洹三惡趣及三界亦無斷時須菩
 提如汝所說是菩薩摩訶薩當知如佛如是如是須
 菩提當知是菩薩實如佛何以故以如故說如來以
 如故說辟支佛阿羅漢一切賢聖以如故說為色乃
 至識以如故說一切法乃至有為性無為性是諸如
 如實無異以是故說名為如諸菩薩摩訶薩學是如
 得一切種智得名如來以是因緣以是相故說菩薩
 摩訶薩當知如佛以如相故如是須菩提菩薩摩訶
 薩應學如般若波羅蜜菩薩學如般若波羅蜜則能
 學一切法如學一切法如則得具足一切法如具足

一切法如已住一切法如得自在住一切法如得自
 在已善知一切眾生根善知一切眾生根已知一切
 眾生根具足亦知一切眾生業因緣知一切眾生業
 因緣已得願智具足得願智具足已淨三世惡淨三
 世惡已饒益一切眾生饒益一切眾生已淨佛國土
 淨佛國土已得一切種智得一切種智已轉法輪轉
 法輪已安立眾生於三乘令人無餘涅槃如是須菩
 提菩薩摩訶薩欲得一切功德自利利人應發阿耨
 多羅三藐三菩提心須菩提白佛言世尊是諸菩薩
 摩訶薩能如說行深般若波羅蜜一切世間天及人

381

阿修羅應當為作禮佛告須菩提如是如是是菩薩
 摩訶薩能如說行深般若波羅蜜一切世間天及人
 阿修羅應當為作禮世尊是初發意菩薩摩訶薩為
 眾生故求阿耨多羅三藐三菩提得幾所福德佛告
 須菩提若干國土中眾生皆發聲聞辟支佛意於汝
 意云何其福多不須菩提言甚多無量佛告須菩提
 其福不如初發意菩薩摩訶薩百倍千倍巨億萬倍
 乃至算數譬喻所不能及何以故發聲聞辟支佛意
 者皆因菩薩出故菩薩終不因聲聞辟支佛出二千
 國土三千大千國土中亦如是置是三千大千國土

中發意求聲聞辟支佛者若三千大千國土中眾生
 皆住乾慧地其福多不須菩提言甚多無量佛言不
 如初發意菩薩百倍千倍巨億萬倍乃至算數譬喻
 所不能及置是住乾慧地眾生若三千大千國土中
 眾生皆住性地八人地見地薄地離欲地已辦地辟
 支佛地是一切福德欲比初發意菩薩百倍千倍巨
 億萬倍乃至算數譬喻所不能及須菩提若三千大
 千國土中初發意菩薩不如入法位菩薩百千萬倍
 巨億萬倍乃至算數譬喻所不能及若三千大千國
 土中人法位菩薩不如向佛道菩薩百千萬倍巨億

582

萬倍。乃至算數譬喻所不能及。若三千大千國土中。
 向佛道菩薩。不如佛功德。百千萬倍。巨億萬倍。乃至
 算數譬喻所不能及。須菩提白佛言。世尊。初發心菩
 薩。摩訶薩。當念何等法。佛言。應念一切種智。須菩提
 言。何等是一切種智。一切種智何等緣。何等增上。何
 等行。何等相。佛告須菩提。一切種智無所有。無念。無
 生。無示。如須菩提所問。一切種智何等緣。何等增上。
 何等行。何等相。須菩提。一切種智無法。緣念為增上。
 寂滅為行。無相為相。須菩提。是名一切種智。緣增上
 行。相。須菩提白佛言。世尊。但一切種智無法。色。受。想。

行。識亦無法。內外法亦無法。四禪。四無量。心。四無色。
 定。四念處。四正勤。四如意足。五根。五力。七覺分。八聖
 道分。空。三昧。無相。三昧。無作。三昧。入背捨。九次第定。
 佛十力。四無所畏。四無礙智。十八不共法。大慈。大悲。
 大喜。大捨。初神通。第二。第三。第四。第五。第六。神通有
 為相。無為相。亦無法。佛告須菩提。色亦無法。乃至有
 為相。無為相。亦無法。須菩提言。世尊。何因緣故。一切
 種智無法。色無法。乃至有為。無為相。亦無法。佛言。一
 切種智自性無故。若法自性無。是名無法。色。乃至有
 為。無為相。亦如是。世尊。何因緣故。諸法自性無。佛言。

383

諸法和合因緣生。法中無自性。若無自性。是名無法。
 以是故。須菩提。菩薩摩訶薩。當知一切法無性。何以
 故。一切法性空。故以是故。當知一切法無性。須菩提。
 白佛言。世尊。若一切法無性。初發意菩薩。以何等方
 便力。能行檀那波羅蜜。淨佛國土。成就眾生。能行尸
 羅波羅蜜。屢提波羅蜜。毗梨耶波羅蜜。禪那波羅蜜。
 般若波羅蜜。行初禪。乃至第四禪。行慈心。乃至捨心。
 行空處。乃至非有想非無想處。內空。乃至無法有法。
 空。四念處。乃至入聖道分。空三昧。無相三昧。無作三
 昧。八背捨。九次第定。佛十力。四無所畏。四無礙智。十

入不共法。大悲大悲。能行一切種智。淨佛國土。成就
 眾生。佛告須菩提。菩薩摩訶薩。能學諸法無性。亦能
 淨佛國土。成就眾生。知國土眾生亦無性。即是方便
 力。須菩提。是菩薩摩訶薩。行檀那波羅蜜。修學佛道。
 行尸羅波羅蜜。修學佛道。屢提波羅蜜。毗梨耶波羅
 蜜。禪那波羅蜜。般若波羅蜜。修學佛道。乃至行一切
 種智。修學佛道。亦知佛道無性。是菩薩摩訶薩。行六
 波羅蜜。修學佛道。乃至未成就佛十力。四無所畏。四
 無礙智。十八不共法。大悲大悲。一切種智。是為修學
 佛道。能具足是佛道。因緣已用。一念相應。慧得一切

514

種智爾時一切煩惱習不盡以不生故。是時以佛眼
 觀三千大千國土。無法尚不可得。何況有法。如是須
 菩提。菩薩摩訶薩。應行無性般若波羅蜜。須菩提。是
 名菩薩摩訶薩方便力。無法尚不可得。何況有法。須
 菩提。是菩薩摩訶薩。若布施時。布施無法。尚不可知。
 何況有法。受者及菩薩心。無法尚不可知。何況有法。
 乃至一切種智得者。得法得處。無法尚不可知。何況
 有法。何以故。一切法本性爾。非佛作。非聲聞辟支佛
 作。亦非餘人作。一切法無作者。故須菩提白佛言。世
 尊。諸法諸法性離耶。佛言。如是如是。諸法諸法性離。

世尊。若諸法諸法性離。云何離法能知。離法若有若
 無。何以故。無法不能知。無法有法不能知。有法無法
 不能知。有法有法不能知。無法世尊。如是一切法無
 所有相。云何菩薩摩訶薩。作是分別是法。若有若無。
 佛言。菩薩摩訶薩。以世諦故。示眾生若有若無。非以
 第一義世尊。世諦第一義諦。有異耶。須菩提。世諦第
 一義諦。無異也。何以故。世諦如。卽是第一義諦。如以
 眾生不知不見。是如故。菩薩摩訶薩。以世諦示眾生。
 若有若無。復次。須菩提。眾生於五受陰中。有著相。故
 不知無所有。爲是眾生。故示若有若無。令知清淨無

所有。如是須菩提。菩薩摩訶薩。應當作是行般若波
 羅蜜。